

Exéla M heyrnartæki með grannri slöngu og kúpli





1. Hljóðnemaop með vind- og veðravörn
2. Kerfishnappur
3. Styrkstillir
4. Rafhlöðuhólf sem einnig er rofi til að kveikja og slökkva á tækinu
5. Slanga - hljóðútgangur
6. Kúpull
7. Stuðningur

Hægri = rautt Vinstri = blátt

Skipt um rafhlöðu:

Notið rafhlöðu nr. 13, appelsínugul spjöld. Opnaðu rafhlöðuhólfið með fingurnögl og taktu gömlu rafhlöðuna úr.




Settu nýju rafhlöðuna í með + hliðina (flötu hliðina) á móti + merkinu í rafhlöðuhólfinu og lokaðu. Þú getur einnig séð hvernig rafhlaðan á að snúa inni í rafhlöðuhólfinu.

Athugið!

Notið aðeins GenX- rafhlöðu í Exéla heyrnartæki. Opnið rafhlöðuhólfið varlega og ýtið ekki of fast. Ef það er mótstaða þegar þú lokar rafhlöðuhólfinu athugaðu þá hvort rafhlaðan snúi rétt. Þegar þú ert ekki að nota tækið hafðu þá rafhlöðuhólfið opið þannig að hugsanlegur raki þorni.

Heyrnartækið sett í:

Settu heyrnartækið bak við eyrað.
Haltu um slönguna þar sem hún er
fest við kúpulinn og ýttu kúplinum
varlega inn í hlustina.



Kúpullinn þarf að fara hæfilega langt
inn í eyrað svo slangan liggi þétt við
höfuð þitt.

Settu stuðningsþráðinn (ef hann er til staðar) í
holuna neðst á ytra eyranu.



Lokaður kúpull:

Lokaðir kúplar eru öðruvísi hannaðir en
aðrir kúplar (sjá mynd). Lokaður kúpull
samanstendur af tveimur hlutum sem
leggjast hvor yfir annan.

Áður en kúpullinn er settur í eyrað er
mikilvægt að ganga úr skugga um að
hlutarnir tveir leggist yfir hvorn annan eins
og þeir eiga að gera. Stærri hlutinn á að
leggjast yfir þann minni.

Ef kúpullinn er ekki réttur er auðvelt að
laga hann. Notaðu fingur til að beygja
stærri hlutann fram og síðan til baka þannig
að hann leggist yfir þann minni.

Rétt staðsetning



Röng staðsetning



Hlutinn færður



Styrkstillir:

Hægt er að hækka eða lækka hljóðið í tækinu með styrkstilli. Til að hækka er ýtt upp á við en til að lækka er ýtt niður á við.



Athugið! Píp hljóð gefur til kynna að styrkstillirinn sé virkur, tvö píp að ekki sé hægt að hækka meira í tækinu.

Ef þú vilt ekki nota styrkstillinn getur heyrnarfræðingur gert hann óvirkan.

Einnig er hægt að stilla styrkinn með myPilot fjarstýringu.

Hlustunarkerfi:

Sjálfvirkt val á milli kerfa

Tækið stillist sjálfvirkt á það kerfi sem hentar best því hljóðumhverfi sem þú ert í.



Val á fleiri kerfum:

Heyrnarfræðingur getur sett inn fleiri einstaklingsbundin kerfi fyrir þig. Það getur verið kerfi fyrir sérstakar hlustunaraðstæður eða tónmöskvakerfi. Þú hefur aðgang að mismunandi kerfum með fjarstýringu eða kerfishnappnum.

Kerfishnappurinn gefur þér möguleika á að skipta á milli sjálfvirs kerfis og einstaklingsbundinna kerfa. Stuttur lagstúfur staðfestir valið á sjálfvirka kerfinu.



Tækin eru með innbyggðri sjálfvirkri samstillingu til að aðlaga hljóðstyrk og skiptingu milli kerfa í tækjunum. Ef þú ert með tvö heyrnartæki þarft þú aðeins að gera aðgerðirnar virkar í öðru tækinu og þá mun hitt tækið stilla sig eins.

Fínstilling:

Hægt er að fínstilla hljóðstyrkinn í tækinu annað hvort með styrkstillinum á tækinu eða með myPilot fjarstýringu. Heyrnartækið getur lært á mismunandi aðstæður. Exélie geymir allar stillingar sem þú notar við mismunandi aðstæður. Það þýðir að í hvert skipti sem þú breytir hljóðstyrknum geymir tækið þá stillingu þannig að næst þegar þú ert í samskonar aðstæðum aðlagar tækið sig að þeim.

Granna slangan flytur styrkta hljóðið frá heyrnartækinu og inn í eyrað. Það er mikilvægt að slangan og kúpullinn passi í eyrað. Ef slangan eða kúpullinn meiðir eða ertir hafðu samband við heyrnarfræðing. Ekki reyna sjálf að breyta formi slöngunnar.

Hreinsa þarf slönguna og kúpullinn reglulega. Það er gert með því að taka slönguna af heyrnartækinu og skrúfa það laust. Notaðu rakan klút til að þrífa slönguna og kúpullinn að utan en svarta hreinsipinnann til að ýta óhreinindum úr slöngunni.



Settu hreinsipinnann inn um opið sem fer upp á heyrnartækið og ýttu honum alla leið í gegnum slönguna og út í gegnum kúpullinn.

Slönguna á aldrei að þvo í vatni. Vatnsdropar geta setið fastir í slöngunni.

Skipta skal um slöngu og kúpul á þriggja mánaða fresti.

Mikilvægt!

1. Notið rafhlöður nr. 13 í Phonak bak við eyrað tæki. Þú getur skilað notuðum rafhlöðum til Heyrnar- og talmeinastöðvarinnar.
2. Þegar þú ert ekki að nota heyrnartækið, hafðu þá rafhlöðuhólfið opið, þannig að hugsanlegur raki þorni.
3. Ef þú ætlar ekki að nota heyrnartækið í lengri tíma geymdu það þá í öskjunni sem það kom í. Taktu rafhlöðurnar úr og láttu rafhlöðuhólfið vera opið. Gakktu úr skugga um að tækið sér þurr áður en þú lokar öskjunni.
4. Skýldu heyrnartækjunum gegn raka og hita. Taktu heyrnartækin alltaf af þér áður en þú ferð í sturtu, bað eða sund. Ekki geyma heyrnartækin í heitum glugga eða í bílnum.
5. Það getur verið gott að eiga þurrkbox fyrir heyrnartækin. Heyrnarfræðingurinn getur ráðlagt þér um þrif á tækinu. Notaðu aldrei sápu eða önnur hreinsiefni á tækið.
6. Hárlakk, andlitskrem og aðrar snyrtivörur geta skemmt heyrnartækið. Taktu af þér tækin meðan þú setur snyrtivörur á þig.
7. Ef þú finnur fyrir eymslum eða kláða undan tækinu hafðu þá samband við heyrnarfræðing.
8. Ef heyrnartækið virkar ekki þrátt fyrir að þú hafir skipt um rafhlöður hafðu samband við Heyrnar- og talmeinastöðina. Mundu að taka fjarstýringuna með ásamt heyrnartækjunum.